



*Odbor za javne službe, infrastrukturu i javni saobraćaj*

Broj: 04-GV-04-662/22

Sarajevo, 12.04.2022. godine

**ZAPISNIK O RADU**

**13. SJEDNICE ODBORA ZA JAVNE SLUŽBE, INFRASTRUKTURU I JAVNI  
SAOBRAĆAJ GRADSKOG VIJEĆA GRADA SARAJEVA  
ODRŽANE 12.04.2022. GODINE**

Prisutni:

1. Ratko Orozović, predsjedavajući
2. Hazim Bašić, zamjenik predsjedavajućeg
3. Almir Ciriković, član
4. Midhat Đozo, član
5. Sead Baličević, član
6. Ermin Panjeta, član

Odsutan: Kenan Kestendžić, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća

Sjednici ispred Predlagača prisustvuje:

- Dragana Solaković, pomoćnica Gradonačelnice za lokalnu samoupravu i razvoj grada

Sjednici prisustvuje Bakir Hadžiomerović, direktor Javnog preduzeća „Sarajevo“ d.o.o.

Predsjedavajući Odbora je u 11.10 sati otvorio sjednicu, pozdravio prisutne i utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 12. sjednice Odbora za javne službe, infrastrukturu i javni saobraćaj Gradskog vijeća Grada Sarajeva održane 15.03.2022. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Prijedlog Strategije razvoja Grada Sarajeva 2021. – 2027.
2. Informacija o visini cijena ulaznica za Sarajevsku žičaru
3. Informacija o realizaciji projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljavanje)“ za 2021. godinu
4. Tekuća pitanja



## TAČKA 1.

### *Prijedlog Strategije razvoja Grada Sarajeva 2021. – 2027.*

Uvodno izlaganje dala je Dragana Solaković, pomoćnica Gradonačelnice za lokalnu samoupravu i razvoj grada.

Poslije uvodnog izlaganja i diskusije, te sažetka Predsjedavajućeg, Odbor za javne službe, infrastrukturu i javni saobraćaj je jednoglasno usvojio sljedeći **zaključak**:

Odbor za javne službe, infrastrukturu i javni saobraćaj sugeriše Gradskom vijeću Grada Sarajeva da razmatra *Strategiju razvoja Grada Sarajeva 2021. – 2027.*, kako je predložena.

## TAČKA 2.

### *Informacija o visini cijena ulaznica za Sarajevsku žičaru*

Uvodno izlaganje i detaljna obrazloženja dao je Bakir Hadžiomerović, direktor Javnog preduzeća „Sarajevo“ d.o.o.

U diskusiji su učestvovali članovi Odbora.

Poslije uvodnog izlaganja i diskusije, te sažetka Predsjedavajućeg, Odbor za javne službe, infrastrukturu i javni saobraćaj je jednoglasno usvojio sljedeće **zaključke**:

1. Odbor za javne službe, infrastrukturu i javni saobraćaj sugeriše Gradskom vijeću Grada Sarajeva da razmatra *Informaciju o visini cijena ulaznica za Sarajevsku žičaru* i primi je k znanju.
2. Odbor za javne službe, infrastrukturu i javni saobraćaj upućuje inicijativu da Grad Sarajevo predloži Ministarstvu za odgoj i obrazovanje Kantona Sarajevo, osmišljavanje projekta škole u prirodi koji bi se realizovao u saradnji sa JU Zaštićena prirodna područja Kantona Sarajevo – Zaštićeni pejzaž “Trebević” i JP „Sarajevo“ d.o.o., a koje bi vodilo i finansiralo nadležno ministarstvo. Osnovni sadržaj projekta bi bio organizirana vožnja školske djece žičarom do Trebevića, održavanje predavanja o flori i fauni Trebevića u prostoru dolazne stanice žičare uz odgovarajuću užinu i šetnja Trebevićem, u izvedbi JU Zaštićena prirodna područja Kantona Sarajevo - Zaštićeni pejzaž “Trebević”.

## TAČKA 3.

### *Informacija o realizaciji projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljavanje)“ za 2021. godinu*

Uvodno izlaganje dala je Dragana Solaković, pomoćnica Gradonačelnice za lokalnu samoupravu i razvoj grada.

Poslije uvodnog izlaganja, te sažetka Predsjedavajućeg, Odbor za javne službe, infrastrukturu i javni saobraćaj je jednoglasno usvojio sljedeći **zaključak**:

Odbor za javne službe, infrastrukturu i javni saobraćaj sugeriše Gradskom vijeću Grada Sarajeva da razmatra *Informacija o realizaciji projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljavanje)“ za 2021. godinu* i primi je k znanju.

#### TAČKA 4.

##### *Tekuća pitanja*

- I.** Poslije rasprave, na prijedlog Predsjedavajućeg, Odbor za javne službe, infrastrukturu i javni saobraćaj jednoglasno je usvojio sljedeći **zaključak**:  
Odbor za javne službe, infrastrukturu i javni saobraćaj upućuje inicijativu da Grad Sarajevo pokuša nabaviti lokomotivu popularnog „Ćire“ koja bi se postavila kraj obnovljene željezničke stanice na Bistriku i koja bi bila začetak muzejske postavke saobraćaja u Sarajevu uz prikazivanje filma o ispraćaju „Ćire“ pod nazivom „Posljednji skretničar“ iz sedamdesetih godina.
- II.** Poslije rasprave te sažetka Predsjedavajućeg, Odbor za javne službe, infrastrukturu i javni saobraćaj jednoglasno je usvojio sljedeći **zaključak**:  
Odbor za javne službe, infrastrukturu i javni saobraćaj upućuje inicijativu da Grad Sarajevo razmotri stanje na području grada Sarajeva vezano za raspored i funkciju javnih toaleta, te da u skladu sa utvrđenim stanjem, predlože mjere za poboljšanje stanja, ako bude potrebno i izgradnju novih toaleta na lokacijama gdje nedostaju.

*PREDSJEDAVALJUĆI ODBORA*

*Ratko Orozović, s.r.*

Predsjedavajući Odbora je u 12.52 sati zaključio rad 13. sjednice Odbora za javne službe, infrastrukturu i javni saobraćaj Gradskog vijeća Grada Sarajeva.